

reschpäkt

es het is
der lam rim¹
neecher bbracht
u eines tages gseit

lue
vilecht
giengs dr ringer
we de tätisch flüchte
zu buddha
u syr lehr

*

...

i renne zum müeti
we inne oder ussefür
es wätter drööt

es höcklet
mit is häre

es luegt is aa

es luegt für is geng
ume

es weis
wo s düregeit

es het d lampen
aazüntet

es nimmt is mit
uf em wäg

mir träppele
hingernache



¹ Lehrreden und Übungen auf einem Stufenweg, wie er in der tibetischen Gelug-Tradition gelehrt wird.